

FUTBOLA



Loinaz Gasteizko partiduetara «dena ematera» aterako da.

RUIZ

Ostirala arte ez dira Zubietan izango Yubero, Imaz eta Oceano

DONOSTIA

Atzo berriro ere Zubietan egin zuten saioa Realekoek. Gauean Gasteizen ETB txapelketako partidua zutenentzat saioa motzagoa izan zen, ez nekatzearren. Yubero, Imaz eta Oceano falta ziren, selekzioekin daudelako. Bihar itzuliko dira, baina besteekin batera entrenatzen ostiralean hasiko dira, John Toshackek biharkoa jai eguna izatea erabaki duelako.

Gauean Osasunaren kontra jokatu zuten batzuek, aurreneko minuturik izan ez dutenak hain zuzen. Hori da, adibidez, Mikel Loinazen kasua. Aurreneko indartsuarentzat, horrelako partidua oso garrantzitsua da sasoari eutsi ahal izateko, baita berarengan entrenatzaileak noizbait konfidantza edukitzeko ere. Berak garbi du Gasteizko neurketei nola aurre egingo dien: «nik ETB txapelketako partidua, neurketa ofizialak balira bezala jokatuko ditut, zeren eta ez baduzu horrela jokatu, lesioak eta izateko arriskua izaten baita. Beraz, dena ematera aterako naiz», zioen atzo

Mikel Loinazek. Lerro hauek idazterakoan, Real eta Osasuna indarrak neurtzen ari ziren Mendizorroza zelaian. Txapelketa horretan talde donostiarraren debuta izango da.

Mikel Loinazi ekainaren 30ean bukatuko zaio Realarekin duen kontratua eta gauza bera gertatuko da Irazoki, Patxi, Larrañaga, Gorri, Fuentes eta Lumbresaren kontratuekin. Aurrelariari oraindik ere ez diote fitxik esan, baina bera lasai dago. «Bai, oraindik denbora asko falta da denboraldia bukatzeko eta horrelakoak orain ez dira egiten normalean, geroago baizik». Loinaz gustura dago Realean, «hemen aurreneko taldean bost urte daramatzat eta Sansen bi eman nituen. Talde honetan oso jendea sanao dago eta gustura aurkitzen naiz», esanez.

Realak gaur goizean egingo du entrenamendua eta bihar jai izango du. Bestalde, datorren aste ostegunean talde txuri-urdinak Huelvan adiskidantzaoko partidua jokatu du. Gero, igandean, Cadiz izango du aurkari Liga partiduan, han.

Clementeren taldea ez da Europako txapelduna den Danimarkaren beldur

DONOSTIA

Javier Clemente euskal entrenatzaileak zuzentzen duen Espainiako selekzioak Danimarkaren kontra jokatu du gaur 19.00etatik aurrera (TV2) Kopenhage-n. Danimarkak iaz Europako txapela lortu zuen, baina EEBBetan hurrengo urtean jokatu den Mundialean izateko bide nahikoa txarra darama. Orain arte, hiru berdindu ditu eta bat irabazi du. Espainiako taldea, aldiz, multzoko aurreneko postuan ageri da.

Europako txapeldunen izar

nagusia Brian Laudrup (Barcelonako Michael-en anaia) da, ez bairik gabe.

Danimarkak atera dezakeen hamaikakoa hau da: Schmeichel; Vilfort, Kelberg, Lars Olsen, Rieper, H. Larsen; Goldbaek, F. Jensen, Brian Laudrup; Elstrup eta Polvsen. Espainian, lau euskal jokalaririk izango dira hasieratik jokatu, hots, Zubizarreta, Alkorta, Txiki Begiristain eta Julio Salinas. Beraiekin batera Cristobal, Ferrer, Giner, Toni, Amor, Guardiola eta Aldana ariko dira. Aulkian Lopetegui eta Goikoetxea euskal herritarrek eseriko dira.

Bustingorri: «Plantilan asko gaude, ziurrenik gehiegi gara»

Osasuna kontratuak berritzen hasi da datorren denboraldiari begira

Jokalaririk gorritxo franko jaurki amaituko zaio Osasunarekin duen hitzarmena, eta Gaztelu plazako taldeak jadanik kontratuak berritzeari ekin dio. Ligako azken txanpa ez dirudi horretarako momenturik aproposena denik, baina Eugenio Bustingorriren ustez, «horrek ez dauka inolako eraginik gure jokoa».

IRUÑEA

Eugenio Bustingorri Osasunako kapitainari ekainaren 30an amaituko zaio kontratua eta jadanik hasi egin dira bera eta Osasunaren arteko elkarrizketak. Bustingorriren ustez, elkarrizketa horiek ez daukate inolako eraginik jokalariek zelaian duten portaeran. «Ez dauka eraginik gure jokoa. Urtero jokalaririk kontratua berritu behar izaten dute, eta taldeak, jokalaria interesatzen bazaio, ahal duen guztia egiten du jokalaria lotzeko. Jadanik askorekin hitz egiten hasi da Osasuna, eta ez dut uste horrek inolako tentsiorik eragingo duenik».

Ligako azken txanpa hastear dagoenean, jokalariek kontratu berritzeari buruz aritzea ez dirudi egokiena, baina Zulueta-koren ustez «Osasunak ongi daki zer egiten duen». Osasunaren egungo egoerak, hau da, sailkapenean postu makalean egoteak, kontratu berrietan eraginik ez duela izanen uste du kapitain go-



Kontratu berritzeak jokoa eraginik ez duela dio Bustingorri. JOXE

ritxoak. «Gehienek urte franko daramatzagu Osasunak jokatu, eta jadanik nora ailegatu gaitzekin erakutsi dugula uste dut. Emaizak txarrak izan dira aurreneko, baina ongi jokatu dugu, eta taldea oro har ongi dabil. Nire ustez, Osasunak ongi daki zer esan behar dion jokalariei bera fitxatzeko asmoa badauka, eta egungo egoerak horretan ez dauka zerikusirik».

Egungo egoerak ez bezala, krisiak berrikuntzetan eragina izanen duela uste du Eugenio Bustingorri. «Nire ustez, taldeak behar duena ongi daki eta horren arabera egingen ditu berrikuntzak. Gure plantilan asko gaudela argi dago, 25 edo 26 gaude orain, eta hori gehiegi da, 11 besterik ez dute jokatu eta. Ez dauka zentzurik horrenbeste jende egotea».

BLAS LOPEZEK BILERA BERRIZ ATZERATU DU

Blas Lopezek —Lopez Vata— Osasunako zuzendariaren atzetik atzera ateratzea erabaki du, Zabalza bileran egon dadin; izan ere, Arrotxapeko entrenatzailea Gasteizen izan zen atzo ETB txapelketa zela eta.

Bestalde, azken jardunaldietan titular izan ohi diren 11 gizonak entrenatzen izan ziren atzo Taxoaren. Hamaika jokalaririk horien artean Martin Gonzalez egon zen, erdilariak —txartelak medio zigortua— Cadizen kontra jokatu eta duen arren. Kórner eta falta jaurtiketak prestatzen ari ziren gorritxo tituluak eta gainontzeko gizonak, Urban horien artean, Gasteizen izan ziren ETB txapelketan Realaren kontra jokatu.

Goiz eta arratsaldean entrenatuko dira zuri-gorriak gaur Lezaman

RAMON BASALDUA / BILBO

Goiz eta arratsaldean entrenatuko da gaur Athletic Lezaman, datorren igandean Teneriferen kontra Heliodoro Rodriguez Lopez futbol zelaian jokatu duen partidua prestatzeko. Lau eguneko atsedenaldia izan ondoren, Jupp Heynckesek entrenatzen dituen jokalariek goiz eta arratsaldean aritu ziren atzo Lezaman eta gaur ere gauza bera egingo dute. Bihar, ostera, atsedenean eguna izango da Athleticen plantila osatzen duten jokalarientzat.

Datorren ostiralean entrenamendu bakarra izango da, goizeko hamarretatik aurrera eta larunbatean, goizeko hamaika t'erdietatik aurrera, izango da azken entrenamendua. Horren os-

tean, Sondikara joango dira zuri-gorriak bertan 15.00etan Teneriferantz ateratzen den hegazkina hartzeko. Partidua arratsaldeko seietan hasiko da eta astelehen goizean itzuliko dira jokalariek Bilbora.

Carlos Garcia jokalariek berak esan duenez, sasoi onean dago, erritmo apur bat falta zaion arren. Nolanahi ere, durangarra Teneriferen kontra jokatzeko prest egongo da. Ez da gauza bera gertatzen Oskar Tabuenkarekin. Otxarkoagako mutilak min apur bat dauka orkatilan eta ezin izango du Teneriferen kontra jokatu. Tabuenkak berak esan duenez, Barcelonaren kontra jokatzeko prest egotea espero du. Kike atezainak kolpe ederra jaso zuen Athleticen Eibarren kontra Ipuruan jokatu zuen partiduan. Go-



Kike.

BASALDUA

rostidi medikuak atzo esandakoaren arabera, Athleticen ordezkari atezaina prest egongo da datorren igandeko. Baina orain arte gertatu den bezala, Kikek aukerarik izaniko du partidua.